

Skólaráð Naustaskóla

6. fundur ársins 2013 þann 28. ágúst 2013

Mættir:

Skólastjórnendur: Ágúst Jakobsson, Bryndís Björnsdóttir

Fulltrúar foreldra og grenndarsamfélags: Áshildur Hlín Valtýsdóttir, Gísli Rúnar Magnússon og Vaka Óttarsdóttir.

Fulltrúar starfsmanna: Aníta Jónsdóttir, Guðrún Huld Gunnarsdóttir og Yrsa Hörn Helgadóttir.

Dagskrá og afgreiðslur:

1. **Starfsáætlun/fundaáætlun skólaráðs.** Fundaáætlun verður endurbætt á þann hátt að gert verður ráð fyrir umræðum um námsmat og samstarf heimila og skóla oftar yfir veturinn. Einnig verður sérstaklega tekin fyrir staða framkvæmda við skólann og leiðir til að þrýsta á um flýtingu á framkvæmdum. Í framhaldi af umræðu um þau mál var ákveðið að Vaka og Áshildur geri uppkast að áskorun frá skólaráði, til bæjaryfirvalda, um að flýta lokafrágangi skólahúsnaðis og skólalóðar. Í framhaldinu verði svo haft samráð og samstarf við Foreldrafélag og hverfisnefnd um þrýsting í þessu máli.
2. **Starfsáætlun Naustaskóla 2013-2014.** Ekki náðist að ljúka við drög að starfsáætlun og senda út til fulltrúa fyrir fundinn. Umræðum um starfsáætlun því frestað til næsta fundar.
3. **Fyrirkomulag haustfunda með foreldrum og foreldraviðtala.** Í umræðum um þessu mál kom fram hugmynd um að nýta viðtalsdag í október á þann hátt að kalla foreldra í litlum hópum (4-5 saman) til viðtals við umsjónarkennara, og gera ráð fyrir ca 1 klst fyrir hvern hóp. Þannig gæfist jafnvel betri tími til að ræða saman um skólastarfið og fá fram sjónarmið og hugmyndir foreldra. Ákveðið að prófa þetta fyrirkomulag. Varðandi haustfundina (morgunfundina) núna í september var ákveðið að beina kastljósinu aðallega að nýrri aðalnámskrá og að svara spurningunni „hvernig get ég vitað hvernig barninu mínu gengur í skólanum?“ Einnig kom fram ábending um að nýta þetta tækifæri til að koma frekar á framfæri upplýsingum um jákvæðar niðurstöður Naustaskóla í könnunum sl. vor og efla þannig stolt foreldra af skólanum.
4. **Mötuneytismál. Fyrirspurn um kaup á stökum máltíðum.** Síðastliðið vor var óskað eftir að þetta mál yrði kannað. Engar skriflegar reglur fundust um málið en könnun leiddi í ljós að í öðrum skólum bæjarins gefst foreldrum kostur á að kaupa „stakar máltíðir“, þó með því lágmarki að keyptar séu a.m.k. 10 máltíðir í mánuði. Því er hér með gert ráð fyrir að sömu möguleikar gefist í Naustaskóla en skólastjóri mun leita eftir frekari fyrirmælum frá skólayfirvöldum bæjarins.
5. **Önnur mál.**
 - a. **Flokkun – fyrirspurn.** Spurt af hverju nemendur þurfi að fara heim með ílát sem þarfnast þrifa. Svárið er að skólinn stefnir á Grænfánann og þar með að allur úrgangur sé flokkaður eins og mögulegt er en erfitt er að búa svo um hnútana að börnin geti þvegið þessa hluti á fullnægjandi hátt hér innandyra. Beðið var um að starfsmenn brýni það fyrir nemendum – og fylgist með eftir því sem hægt er – að búið sé um t.d. hálfkláraðar jógúrtdollur áður en þær fara aftur ofan í töskur.

- b. **Innkaup námsgagna.** Fulltrúar foreldra komu á framfæri ánægju með fyrirkomulagið á námsgagnamálunum, þ.e. að skólinn annist innkaupin. Rætt var um að hugsanlega þyrfti að kynna fyrir foreldrum að skólatöskur væru í raun óþarfar, a.m.k. á yngsta stiginu, mjög einfaldar skjóður eða bakpokar væru nóg..

Næsti fundur væntanlega í þriðju viku september...

Ágúst Jakobsson ritaði fundargerð